

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10, Vlada Zeničko-dobojskog kantona, na 162. sjednici, održanoj 24.09.2018. godine, d o n o s i

ODLUKU

o korištenju službenih vozila

Član 1.

(Predmet Odluke)

Ovom odlukom određuje se ko i na koji način ima pravo korištenja službenih vozila za potrebe prevoza na posao i sa posla.

Član 2.

(Korisnici službenih vozila)

Pravo na korištenje službenih vozila za potrebe prevoza na posao i sa posla imaju:

- a) Premijer Zeničko-dobojskog kantona,
- b) Predsjedavajući Skupštine Zeničko-dobojskog kantona,
- c) Ministri u Vladi Zeničko-dobojskog kantona,
- d) Rukovodioci samostalnih kantonalnih uprava.

Član 3.

(Način korištenja službenih vozila)

(1) Korisnici službenih vozila iz člana 2. ove odluke imaju pravo korištenja vozila 24 sata dnevno i dužni su vozila koristiti na način i pod uslovima definisanim zakonom i podzakonskim aktima kojima se reguliše način korištenja službenih vozila.

(2) Korisnici iz člana 2., tačka a) i b) ove odluke, imaju pravo korištenja službenog vozila sa vozačem, na način definisan u stavu (1) ovog člana.

Član 4.

(Zaduženje i razduženje službenih vozila)

Zaduženje i razduženje službenih vozila obavljaće Služba za zajedničke poslove na način i pod uslovima propisanim Pravilnikom o korištenju službenih vozila o kojima se stara Služba za zajedničke poslove Zeničko-dobojskog kantona, broj: 14-02-18852/16 od 18.11.2016. godine, na koji je data saglasnost Vlade Zeničko-dobojskog kantona, broj: 02-02-2034/17 od 10.02.2017. godine i Procedurom za utvrđivanje i praćenje normativa utroška goriva za službena vozila o kojima se stara Služba za zajedničke poslove Zeničko-dobojskog kantona, broj: 14-27-18479/16 od 11.11.2016. godine.

Član 5.

(Korištenje naknade za prevoz na posao i sa posla)

Korisnici službenih vozila iz člana 2. ove odluke nemaju pravo na naknadu za prevoz na posao i sa posla u skladu sa članom 6. Uredbe o naknadama koje nemaju karakter plaće („Službene novine Zeničko-dobojskog kantona“, broj: 4/18).

Član 6.
(Stavljanje van snage)

Stupanjem na snagu ove odluke, stavlja se van snage Odluka o korištenju službenih vozila („Službene novine Zeničko-dobojskog kantona“, broj: 3/15).

Član 7.
(Stupanje na snagu)

Ova odluka stupa na snagu danom donošenja i objaviće se u „Službenim novinama Zeničko-dobojskog kantona“.

Broj: 02-27-14568/18.

Datum, 24.09.2018.godine.

Z e n i c a

PREMIJER

Miralem Galijašević

DOSTAVLJENO:

1x Služba za zajedničke poslove,

1x Ministarstvo finansija

1x „Službene novine Zeničko-dobojskog kantona“,

1x a/a.